



Akcija pripadnika **SIPA-e** prema nalogu Tužilaštva TK

Zbog štimanja poslova u Rudniku soli uhapšen i policajac Enes Bešić

Sumnjiči se da je pogodio firmi "Mining & Drilling" iz Gračanice kako bi pobijedila na tenderu za posao težak 5,5 miliona KM

Pripadnici **Državne agencije za istrage i zaštitu (SIPA)** uhapsili su jučer ujutro, prema naredbi Tužilaštva Tuzlanskog kantona, pripadnika MUP-a TK Enesa Bešića, saznaje "Avaz". On je zaposlenik Policijske stanice Gračanica, a sumnjiči se za koruptivna djela primanje mita i zloupotrebu službenog položaja.

Informaciju da je uhapšen pripadnik MUP-a TK potvrdio je za


"Avaz" i Admir Arnautović, portparol Tužilaštva TK.

Jučerašnja akcija nastavak je operativne aktivnosti "Rudnik", u okviru koje su prije 15 dana uhapšeni državni poslanik Enver Bijedić i još pet osoba.

Bešić se sumnjiči da je pogodio firmi "Mining & Drilling" iz Gračanice kako bi pobijedila na tenderu za posao težak 5,5 miliona KM. Nezvanično

saznajemo da je uhapšeni u više navrata kontaktirao i ministra u Vladi TK kako bi urgirao da se ubrza procedura, a da bi ova firma dobila posao na izvođenju istražno-eksploatacionih bušotina na prostoru ležišta kamene soli Tetima u sklopu Rudnika soli Tuzla.

Rudnik soli Tuzla 12. februara dodijelio je ugovor firmi "Mining & Drilling".



M. Aš. Uhapšen policajac PS Gračanica